

nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Hori Aterea.
2. Mehaka Ruka.
3. Timi Tamehana.
4. Mika Wikiriwhi.

5. Tamehana te Puia.
6. Taihakoia Poniwahio.
7. Takurua Tamarau.

GILBERT MAIR (Tawa).
D. F. G. BARCLAY (Pakere).
PARATENE NGATA.

TAUWHARE PORAKA.

Piira Nama 74.—A Taihakoia Poniwahio me etahi atu. Ko tenei anake te piira mo tenei poraka. E tono ana kia whakaurua te ingoa o tetahi tangata kotahi i mahue ki waho o te ota tuatahi; ara, o Hami Taupo, m., kia rua tekau hea mona.

A i te mea kaore he kai-whakahe, kua tuhia atu e matou te ingoa o Hami Taupo, m., rua tekau hea, kei te taha o te Nama 200 i te rarangi e tapiri nei ki te whairu o nga pukapuka o Tauwhare Poraka; a ka tohutohu atu nei matou me whakapumau te whakauruhanga atu o taua ingoa me aua hea ki te ota.

Ko nga tangata e whitu e mau ake nei nga ingoa i raro he tangata i kowhiria e nga tangata nona te whenua i roto i a ratou hei mema mo te Komiti Hapu mo tenei poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Kiekie Mikaere.
2. Kanuwehi te Waara.
3. Te Tawhi Poniwahio.
4. Noho te Wharau.

5. Hami Taupo.
6. Taihakoia Poniwahio.
7. Mika te Tawhao.

GILBERT MAIR (Tawa).
D. F. G. BARCLAY (Pakere).
PARATENE NGATA.

TAURANGA PORAKA.

Piira Nama 79.—A Paora te Pakihi me etahi atu. I runga i tetahi whakaritenga i mahia i waenganui o te kai-piira o Paora te Pakihi me etahi tangata tokorua o te hunga nona te whenua, a i homai nei e ratou ki te aroaro o tenei Komihana kia whakapumautia, i whakaaetia me whakauru te ingoa o Paora te Pakihi, m., ki te ota, kia wha nga hea mona; a ma aua tangata tokorua, ara ma Paiaa Raku-raku, Nama 45 i te ota, me Teneti Rakuraku, Nama 41 i te ota, e hoatu kia rua nga hea o roto i tetahi me tetahi o o raua nei paanga ake, e rua tekau nei hea, hei whakakapi i taua wha hea, a ka toe iho tekau ma waru hea mo ia tangata o raua i roto i te ota.

A i te mea na aua tangata tokorua ake ano e hiahia nei ki te hoatu i taua wha hea i whakapuaki mai i tenei tono ki te aroaro o tenei Komihana, no reira kua apitiria atu e matou te ingoa o Paora te Pakihi, Nama 547, ki te rarangi ingoa e tapiri nei ki te whairu o Tauranga Poraka, hei whakauruhanga atu ki te ota mo taua wha hea kua kiia ake nei. E tohutohu atu ana matou me whakapumau tenei whakaritenga, a me whakatikatika te ota kia pera te takoto.

Ko te ingoa o "Pimia Piripi, f., e rua hea," e rua nga nohoanga i roto i te ota, ara kei te Nama 212, me te Nama 547; no reira kua patua atu e matou te rua o ona ingoa i te taha o te Nama 547.

Piira Nama 78.—A Matiu te Kurapa me etahi atu; he whakauru i etahi tangata hou e ono ki te ota, hui katoa he paanga mo ratou e wha tekau ma rima hea.

Kaore kau he whakahe i puta mo tenei piira, no reira kua mahia e matou he rarangi e whakaatu ana i aua ingoa e ono, timata i te Nama 548 tae noa ki te 553, me nga hea mo ia tangata o ratou, a kua tapiritia atu ki te whairu o nga pukapuka o Tauranga Poraka hei hononga atu ki te ota tuatahi. A ka tohutohu atu nei matou me whakapumau te whakauruhanga atu o aua ingoa me o ratou hea.

Piira Nama 76.—A Tupara Tamana me etahi atu; e tono ana kia whakanukuhia ake nga hea o etahi tangata e ono tekau ma whitu i roto i te ota.

Kaore he whakahe i puta i te aroaro o tenei Komihana mo aua whakanukuhanga hea e tonoa mai nei; no reira kua mahia a kua tapiritia e matou ki te whairu he rarangi e whakaatu ana i nga ingoa o aua tangata e ono tekau ma whitu, me nga nama e noho na i te taha o o ratou ingoa i te ota tuatahi, me nga hea whakanuku i tonoa mai mo ia tangata o ratou. A ka tohutohu atu nei matou me whakanuku nga hea o aua tangata kia rite ki nga hea e mau na i taua rarangi kua kiia ake nei.

Piira Nama 77.—A Te Reweti Kurei me etahi atu. Ko tenei piira i unuhia e Te Wharau Tapuae mo te taha ki nga kai-piira, no reira ka tohutohu atu nei matou me whakakore atu tenei piira.

Piira Nama 75.—A Peka Kerekere me etahi atu. Ko tenei piira kua huia atu ki roto ki te kereme nui a Wi Pere, mo te taha ki nga hapu o Ngati Kahungunu, mo nga whenua e takoto ana i te taha rawhiti o te rohe wahanga iwi i kororotia e ia, atu i Ngapukeriki tatu noa ki Te Waiau, a muri ake nei te korerotia ai.